



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Evangelia: Qvæ Vsitato More in diebus Dominicis &
Festis proponuntur, Annotationes Philippi Melanth.**

Melanchthon, Philipp

Vuitebergæ, 1544

VD16 E 4532

Dominica Secvnda Post Trinitatis, Evangelivm, Lucae XIII.

urn:nbn:de:hbz:466:1-35272

DOMINICA SECUNDA
POST TRINITATIS,
EVANGELIUM,

Lucae XIII.

Homo quidam fecit coenam magnam, & uocauit multos, & misit seruum suum hora coenae, ut diceret inuitatis: uenite, quia iam parata sunt omnia. Et coeperunt simul omnes excusare se. Primus dixit ei: Agrum emi, & necesse est mihi exire, & uidere illum, Rogo te, habe me excusatum. Et alter dixit: Iuga Bouum emi quinque, & eo ad probandum illa, Rogo te, habe me excusatum. Et alius dixit: Vxorem duxi, & ideo uenire non possum. Et reuersus seruus, nunciauit haec domino suo.

Tunc iratus Paterfamilias, dixit seruo suo: Exi cito in plateas & uicos ciuitatis, & pauperes, ac debiles, & claudos, & caecos introduce huc. Et ait seruus, Domine, factum est, ut imperasti, & adhuc locus est. Et ait dominus seruo:

Exi

POST TRINITATIS. 17.

Exi in uias & sapes, & cōpelle intrare,
ut impleatur domus mea, Dico enim
uobis, q̄ nemo uirorum illorum, qui
uocati sunt, gustabit cœnam meam.

Reprehensio est contemptus Euangelij, in
his, qui præcipue sunt uocati, hoc est, qui
uidentur esse præcipua pars Ecclesie. Et
adiecta est horribilis sententia, de illorum con-
demnatione: Nemo illorum gustabit cœnam.
Quamquam autem de reiectione populi Iudaici
concionatus est Christus, tamen non de illis solis lo-
quitur, sed generaliter pertinet contio ad omnia
tempora, accusat contemptum Euangelij, in Do-
ctoribus, regentibus, & præstantiore parte popu-
li. Est autem agnoscenda & deploranda cæcitas
humana, quòd leuius curant homines Deum, &
res æternas, quàm ulla reliqua corporis negocia.
Sicut plerunq; in Pagis rustici magis officiosi sunt
erga Bubulcum, quàm animarum pastorem, &
interrogati respondent, se magis opus habere
Bubulco. Hoc exemplum pingit similes affectus
in summis. Quanta est contentio de gloria, de
opibus, cum interim frigidissime curent homines,
ea quæ ad gloriam Dei, aut propriam animarum
salutem pertinent. Magis anguntur homines ia-
ctura pecuniæ, quàm conscientia alicuius peccati.

6 Hanc

DOMINICA SECUNDA

Hanc præposteram sollicitudinem & depravationem hominum significant exempla hic recitata, Alius allegat se emisse agros, Hic propter rem familiarem negligit salutem suam. Alius allegat se emisse boues, hic pluris facit civilem potentiam, & civilia negocia, quam Euangelium. Sicut iam Politici viri dicunt se esse occupatiores ceteris negocijs necessarijs, quam ut uacet Euangelium cognoscere, Item negligunt Euangelium propter pacem civilem &c. Alius allegat nuptias, hic præfert coniugem & liberos confessioni, non uult in discrimen uenire suos propter Euangelium. Ita in summa huc spectant exempla, ut reprehendant peruersionem humane nature, que negligit Deum, & maiori sollicitudine curat negocia inferiora, que etiamsi sunt necessaria, tamen non erant anteferenda Deo, iuxta illud: Primum querite regnum Dei, & omnia adijcientur uobis.

SECUNDVS LOCVS

Proponitur imago Ecclesie, cum præstantiori parte reiecta uocantur claudi & cæci. Monet igitur Deum conseruare Ecclesiam, colligendis alijs quibus passim, qui non antecellunt opibus & auctoritate. Sicut inquit Esaias: Nisi Deus reliquisset nobis semen, essemus facti sicut Sodomæ & Gommoræ.

TERA

POSTTRINITATIS. 18.

TERTIVS LOCVS, De coactione.

Tria sunt obseruanda. Primum dulcissima est consolatio, quod Deus etiam cogi nos iubet, Significat enim uere se expetere salutem nostram, & uere uelle saluare. ut cum pater serio afficitur cura regendi filij, non tantum frigidis admonitionibus, sed etiam seueritate quadam imperij erga eum utitur, cogit eum facere officium.

Secundo. Significat Christus ministerium uere esse efficax, quia coactio proprie hoc loco significat eam, quae fit per ministerium Euangelij, quod proponit mandatum Dei, & aeternas poenas, & est efficax adiuuante Deo. Quare & haec sententia ornat auctoritatem ministerij, & significat Deum esse efficacem per ministerium.

Tertio. Quanquam Christus hic nihil loquitur de coactione corporali, seu de officio Magistratum, sed tantum de ministerio Euangelij, quod cogit proposito mandato Dei, propositis aeternis poenis, item adiuuante Deo. tamen & Magistratus suam habet coactionem, scilicet, quod ad disciplinam externam attinet, sicut alias saepe diximus, magistratum esse custodem legis, ut tollat externam Idolatriam, puniat externa delicta.

DOMINICA TERTIA POST TRINITATIS,

EVANGE. Lucae XV. c ij Erant